

LAERSKOOLOCHNERHOF

Sarel Cilliersstraat, Strand / Posbus 124, Strand

Tel: 021-854 7316 / Faks: 021-853 4711

E-pos: admin@lochnerhof.co.za

Webtuiste: www.lochnerhof.co.za

SMS: LH (gevolg deur boodskap) na 34050



NUUSBRIEF 21 VAN 2012

UIT DIE HOOF SE PEN

ONS DROOM GROOT MET AKSIE!

By die 1924 Olimpiese Spele in Parys het almal verwag die viermankanospan van die VSA gaan die 1000m wedvaart wen. Jong Bill Havens was een van die spanlede. Met die nadering van die Spele, het dit vir Bill en sy vrou duidelik geword, die datum en tyd van sy Olimpiese deelname gaan saamval met die geboorte van hulle eerste kindjie. Hoe nou gemaak? Moet hy Parys toe gaan of moet hy hom aan die span onttrek en by sy vrou bly? Sy vrou het daarop aangedring dat hy Parys toe gaan. Vir jare het hy hom daarop toegelê om eendag aan die Olimpiese Spele te kan deelneem. Na deeglike selfondersoek besluit Bill om by sy vrou te bly. Sy vrou en hul eerste kindjie is vir hom belangriker as die Olimpiese Spele medalje.

Die VSA-kanospan het toe in Parys die goue medalje vir die 1000m kanowedvaart gewen, maar Bill het sy besluit nie berou nie. Om teenwoordig te kon wees toe hulle klein Frank gebore is, was vir hom belangriker. Agt en twintig jaar later ontvang Bill 'n kabelgram van sy seun Frank uit Helsinki, Finland waar die 1952 Olimpiese Spele daardie jaar gehou word. "Liewe Pa, dankie dat Pa in 1924 vir my geboorte gewag het. Ek bring vir Pa die goue medalje huis toe wat Pa toe sou gewen het. Pa se seun, Frank."

Die keuse van die hoër waardes en die prioriteite in 'n mens se lewe bring altyd die groter beloning – daar is dan nie berou nie en daar is groter vreugde. Jesus het die basis van die keuse van hierdie hoogste prioriteite omskryf met sy samevatting van God se wet: "Jy moet die Here jou God liefhê met jou hele hart en met jou hele siel en met jou hele verstand ... en ... jy moet jou naaste liefhê soos jouself." (Mat. 22:37)



**STERKTE AAN ONS SUID-AFRIKAANSE ATLETE BY DIE
2012 OLIMPIESE SPELE!**

DAGBOEK / SPORT

MAANDAG, 30 JULIE	LOCHIE LEEFSTYLWEEK
WOENSDAG, 1 AUGUSTUS	GR.1-3 INLOERDAG MNR. EN MEJ. LOCHIES INSKRYWINGS SLUIT NETBAL VS LORETO (TUIS)
DONDERDAG, 2 AUGUSTUS	HOKKIE VS GRABOUW EN MACASSAR (WEG)
VRYDAG, 3 AUGUSTUS	GR.4 EN 5 LANDSDIENSKAMP (TOT SONDAG 5 AUGUSTUS) LANDLOOP: KHAYALITSHA - SONE BYEENKOMS O/13 HOKKIE TE STELLENBOSCH ASTRO
SATERDAG, 4 AUGUSTUS	GORDONSBAAI SPORTDAG (0/7 - 0/9 RUGBY EN NETBAL)

GRONDSLAGFASE

Ons kinders is baie opgewonde oor die **Vlooii-uitstappie** van 27 Augustus. Dit is egter nie verpligtend nie. Die kinders geniet dit elke jaar so baie dat dit vir hulle 'n hoogtepunt in hul jaar is. Dit kan ook nie anders nie. Vlooii is van graad 1 af deel van hul lewe. Mnr. en Mej. Lochie is ook om die draai en ons nooi u uit om u kind hiervoor in te skryf.

Op Woensdagoggend, 1 Augustus is dit ons **graad 1 tot 3 Inloerdag**. Alle ouers is welkom. (Inloerdagbrief word aangeheg). Ons sien daarna uit om u te sien.

Beloofte 8 van 10:

As Ek op die troon van jou lewe sit, sal jy daagliks vra: "Aan wie en waar kan ek aan 'n ander iets gee en jy sal nooit iets van 'n ander wil neem nie?"

Etiket: 'n Uitnodiging moet dadelik beantwoord word.

INTERMEDIERE EN SENIOR FASE

Die volgende paar maande is baie belangrik vir ons kinders met betrekking tot assessering. In die eerste plek is die derde kwartaal die maak-of-breek-kwartaal wat interne assessering betref. Leerders wat nog nie die verwagte uitkomste vir die graad bereik het nie, moet hierdie kwartaal 'n baie ernstige poging aanwend om hul uitslae te verbeter aangesien die tyd in die vierde kwartaal te min is daarvoor.

Die **jaarlikse Nasionale Assesserings** (ANA's) word ook hierdie kwartaal vanaf 18 – 21 Augustus geskryf. Hierdie vraestelle word deur alle laerskoolleerders landwyd geskryf. Die fokus val veral op graad 3 en graad 6 se uitslae.

Benewens hierdie eksterne evaluering vind die WKOD se **sistemiese evaluering** ook op 22 Oktober plaas. Hierdie vraestelle word deur graad 3- en graad 6-leerders afgelê in hul Huistaal asook in Wiskunde en speel 'n belangrike rol in die evaluering van die skool se prestasie. Dit is van uiterste belang dat ons kinders daagliks voorberei vir hierdie eksamens.

PERSONALIA

Baie geluk aan **juf. Gerda de Bruyn** (gr.7) wat verlede week haar verjaarsdag gevier het!

SPORT

Weens die natvelde word ons sportoefeninge en wedstryde op die oomblik geweldig ontwrig. Dit lei tot frustrasie by afgangers, ouers en spelers. Ons probeer sover as moontlik alternatiewe soek vir die oefeninge en wil dankie sê aan al die ouers wat help om spelers na Charles Morkel/Hoërskool Strand te vervoer. As ons nou op ons velde speel/oefen kan ons die oppervlakte verder beskadig. Hopelik is dit 'n korttermynprobleem wat sal opklaar.

Alternatiewe reëlings:

Maandag 30 Julie: Alle rugbyoefeninge sal te Charles Morkel plaasvind dieselfde tye as gewoonlik. 0/7 en 0/8 spelers wat nie eie vervoer het nie moet om 13:50 by hoofhek aanmeld. Van hier sal hul met bussies na Charles Morkel geneem word, hulle sal 15:20 terug by skool wees. 0/9 – 0/13 spelers sal saam met afgangers stap, hulle moet asb. 20 min vroeër as hul oefentyd by hoofhek aanmeld.

Ons vra dat ouers ons asb. sal bystaan met die vervoer van die spelers en ook met die reëlings t.o.v. nasorg ens.

Dinsdag 31 Julie: Geen hokkieoefeninge vir 0/7 – 0/9 nie. 0/10 – 0/13 hokkie oefeninge sal te Charles Morkel plaasvind.

Woensdag 1 Augustus: Rugbyoefeninge soos Maandag te Charles Morkel. Dieselfde reëlings geld.

Donderdag 2 Augustus: Reëlings tov die hokkiewedstryde sal later in week deurgegee word.

Lochie van die Week Gr.1-3

GR.1A	ANJA VON WIELLIGH	GR.2C	JANA CLOETE
GR.1B	GERHARD ERASMUS	GR.2D	LITHA SCHUTTE
GR.1C	BENJI PISTORIUS		
GR.1D	ANNEKE DE VILLIERS	GR.3A	LEANé VAN DEVENTER
GR.1E	CHRISTIAN DE JAGER	GR.3B	NATASHA STYGER
		GR.3C	HEIDI FERREIRA
GR.2A	DERICK VAN RHYN	GR.3D	JC STASSEN
GR.2B	FRIANEY HIBBERT		



Lochie van die Week Gr.4-7

GR.4	JOY ARNOLDS	GR.5	RULISE DU TOIT
	JOSEPH KOTZE		ADRIAAN LAMBRECHTS
	AMé GERBER		JARRED VERWEY
GR.5	TEANELLE ENGELBRECHT		ANDRé ENGELBRECHT
	ANYA KRUGER	GR.6	PHILLIP CRONJé
	JEAVEANNE BRITTON		JANCA FOURIE
	KRISTIN MEYER	GR.7	SAMANTHA REYNEKE



FEES VAN MUSIEK 2012 ... MET IZAK DADEL!

Almal word hartlik uitgenooi na bogenoemde geleentheid wat plaasvind op **4 September 2012** in die Strand Stadsaal. Ons kore, sowel as ander kore, doen die voorprogram vir Izak Davel. Aan die einde van die aand tree al die kore saam met Izak op in 'n massakoor – hierdie is die hoogtepunt van die aand. Ouers het tot en met **Woensdag, 1 Augustus** geleentheid om kaartjies vir bogenoemde te koop. Kaartjies is by die skool te koop by me. Walters en kos R50 per persoon.

HIERDIE IS 'N MUSIEKFEE WAT ALMAL SAL GENIET - MOET DIT NIE MISLOOP NIE!



MNR. EN MEJ. LOCHIES

In Lochie-land moet ons natuurlik 'n "Mnr. en Mej. Lochies" ook hê! Ons gaan hierdie kompetisie spesiaal maak vir elke ouer en leerder. Onthou asb. die volgende belangrike datums:

Sluitingsdatum van inskrywings: **1 Augustus 2012** (inskrywingsfooi R50)

Die inskrywingsvorms is reeds aan die leerders uitgedeel

Semi-finaliste: Gr.RR - Gr.3: **14 Augustus 2012**

Semi-finaliste: Gr.4 - Gr.7: **15 Augustus 2012**

GALA-AAND: **23 Augustus 2012**



GR.4-7 REDENAARS

Die gr.4-7 Redenaarsaand vind op **Donderdag, 30 Augustus** plaas. Ons wil solank vroegtydig ons Lochie-gesinne in kennis stel om almal se belangstelling te prikkel.

Temas vir gr.4 en gr.5:

- Afrikaans
- Balans
- Padtekens
- Verbeelding
- Kompetisie
- Musiek

Temas vir gr.6 en gr.7:



Inskrywings vind plaas gedurende admin-periode by juf. Elsabé Gous (gr.7A-klas).

Sluitingsdatum vir inskrywings/onttrekkings is 24 Augustus.

Ouers en widders - kom ondersteun ons redenaarsaand!



KLERE BANK HOU UITVERKOPING!

2DE HANDSE SKOOLKLERE SAL TE KOOP WEES TEEN "R20-00 PER ITEM" SLEGS OP DINSDAG, 31 JULIE GEDURENDE DIE VOLGENDE TYE:

07:30 - 08:00; 13:30 - 14:30 EN 17:00 TOT 18:00

"EERSTE KOM, EERSTE MAAL"